





西村集卷之四

五言律詩 排律 絕句 六言絕句

七言律詩 排律 絕句 聯句 詩餘

中秋聞諸弟宴集湖上有作

樂事愁邊減流年客裏過桂香秋色重天迥月明多欲  
共嫦娥語其如良夜何  
暹知湖上飲連曙尚酣歌

蕉窓

愛此禪房好芭蕉綠滿庭雪中疑入畫定起自翻經曉  
色和雲動秋聲雜雨聽心源有甘露一滴可通靈

竹房





愛此竹房好偏宜方外情前村江動月清梵晝銷聲講  
後雨花亂風來天籟鳴與師分半榻高卧盡餘生  
送漁隱母舅

十年纔一見離合動悲傷授璧投河水驅車入潯陽青  
山明夕照黃菊款秋光莫惜頻來過慈親髮已霜

梅軒

愛此梅花好移來對草堂水邊微見影雪裏只聞香庾  
嶺春如海西湖月似霜從教日吹笛無夢到含章

樂清

未老成歸計房開祇樹林青山塵外相明月定中心近

水行秋影焚香坐夜深世人尋不見惟聽海潮音

和呂別駕九日登姑蘇臺韻

偶遇登高節相爲吊古遊砧聲吳苑莫鴈影太湖秋得  
句頻催和行杯更旅肅風流堪入畫妙手學營丘

一鶴爲南京唐道士賦

愛爾仙家驥蒼松映縞衣一聲清夜淚片影上天飛赤  
壁橫江過青城被箭歸飄然遊物外幾見世人非

謁徐武功墓

絮酒來何莫淒涼百感生文名推獨步相業沮垂成才  
大人多忌功高謗易行只應墳下水流恨去難平



夜宿奉先寺

孤舟薄莫宿古寺奉先名地迥諸天近樓高片月明鑪  
香清作供漏水凍銷聲愛此無生說留連過二更

與汝其通觀錢塘江

渺渺春江迥無風亦有聲地平波動石海接氣浮城虜  
馬屯沙磧潮頭也世情臨流將喚渡南向越中行

將遊金陵夜泊震澤

朝飲平湖酒宵停震澤航從茲登遠道猶未出吾疆月  
隱星光爛花穠露氣香路人初不識笑問客何方

經瀨水

即伍子胥  
乞食之所

匍匐昭關下倉皇瀨水淪飯贖同漂母報德異淮陰一  
死名無忝千金漫爾沉停車吊遺迹長嘆不成吟

杏村夕照

斜日章臺下杏花猶自紅古今皆過客開落盡春風楚  
芊要支細息嬌言笑通那能又容冶相映酒帘中

元日

流年今六十壯志日蹉跎得此以爲幸更來能幾何青  
山遊未徧白髮在無多去去不須道逢春且嘯歌

立春日

北向梅開未東行月建寅有生皆自樂無處不宜春似



我容顏老逢茲氣象新百年今大半猶是未閒人

哭林侍御二首并引

侍御者莆田人也成化間以進士起家拜監察御史時  
皇儲未定中外用事之臣有謀爲殷道親親之說以市  
權者外廷頗知之咸以事爲未著而不敢言公獨以爲  
著則事成而不可止矣乃先劾時宰希世悞國之臯以  
折之雖以此忤旨受杖然其黨咸知公論不與竟議格  
不行矣時宰終銜之弗置欲中公以危法公乃謝病免  
至時宰罷去始再起巡按于浙之東西公不以形迹自  
拘好賢下士詢訪不倦且不避權要請托杜絕政事修

舉吏民畏而愛之亡何移疾而代者未至乃上 詔敕  
納印符絕乘傳而歸歸三年竟以卒哀哉初公之歸也  
某與所知者往別于平望驛舍公屢誦唐李商隱他生  
未卜此生休之句凄然泣下者久之嗚呼公今沒矣某  
未能奔赴以會哭而仰公高風偉公竒節感公殊遇因  
賦詩以哭之

雲掩前星位人心去就間惟公上封事深斥柄臣姦霸  
上空迎說梁王竟出關大功安 社稷瞻望孰能班  
解綬歸田日相呼在驛樓共嗟臨水別眞作此生休忽  
得莆中間今爲地下遊空揮兩行淚寄與海波流



題旌功廟

虜馬環行幄胡兒走控弦萬方三日臨九鼎一絲縣  
不有維藩議將爲舉國遷救時平禍亂功業冠群賢

和姚公綬宴浦氏寫山樓韻

地據東南勝樓居縹渺中使君持節過朋從盍簪同感  
舊咸來雨憑高欲御風瑣窻窺皓月複道駕晴虹隱几  
皆天籟掄材盡國工尋盟山在近逝景水流東寫畫成  
三絕操文送五窮報籤驚漏永放箸覺盤空久住忘爲  
客相看半是翁酒酣揮剡楮句雋壓吳楓捷似奔泉驥  
飄如戲海鴻花枝羸髮白簾幕鄣塵紅詠雅思求友歌

風念在公流蘇垂婀娜嘉樹映玲瓏共訝才無敵還聞  
劍有雄摳衣垂厠坐閉戶自編蓬已分鳩飛奔遙伶鳳  
宿桐覩明慚爝火效響類鳴虫愛士懷徐庶傳經漏馬  
融未能躋鴈蕩徒欲倚崆峒俗美便肥遯時平不上功  
且拚陶令醉莫問許丞龍技癢聊賡韻睽違阻發蒙學  
書期捧硯觀射願持豐望望淮南遠馳情古桂叢

壽司馬太原公七十

司馬今元老升朝立要津力能扶社稷功足庇民人駁  
歷更中外驅馳爲拊循召公分主陝晉盜去奔秦直道  
昭星日危言聳縉紳格君由正已憂國擬忘身閭寺威



應戢閭閻氣頗伸才猷誠間出壽考夔殊倫從欲無踰  
矩行年比斲輪洛城謀會甲崧岳咏生申瑞應銜圖鳳  
文徵繫紱麟封章求退切優詔勉留頻恭默思良弼經  
綸仗蓋臣舊都根本地諸將輯和辰選部申三命官庖  
送八珍進階崇禮秩強食輔精神眷顧方隆重咨詢合  
對陳衮衣寧廢補台鼎且須親燮理陰陽順甄陶造化  
仁微軀如健在願與物同春

輓禮部倪尚書三十韻

異才鍾間氣昭代出名臣俎豆勤爲習文章早致身探  
花年最少中的士咸賓紬史三長著摘詞五采新豐城

初得劍郢匠巧持斤鳴珮趨丹陛含香侍紫宸太官分  
御膳中廐給翔麟玉笋聯班近金蓮送院頻青宮推輔  
導黃閣掌絲綸奉使逾遼左張旌誓海濱皇華明賜服  
暢轂被文茵勞贈能加敏咨詢更絕倫賦詩慙譯史仗  
節聳夷人肅慎遙修貢扶餘悉效珍年勞將進秩策免  
竟惟屯朔漠兵戈老邊城睥睨春 聖情怜久故恩詔  
起沉淪浩蕩乾坤德生全造化仁南宮司禮樂北斗筭  
喉唇出納惟王命樞機秉國鈞小心如履薄大議獨垂  
紳蝕璧俄驚夜騎箕忽在辰徒歌引虞殛何處駕尻輪  
嗣子停分直交朋憶飲醇魂招嗔不返蘭橈尚誰紉伊



昔歆高誼常圖謁後塵荆州那爾識高里賁吾親拜惠  
謀通刺聞喪淚滿巾買絲空欲綉絮酒柰無因落日悲  
風裏哀吟寄一顰

輓吳都督四十韻

文皇臨御日震怒滅殘胡下 詔求名將惟君冠武夫

揚旗頻扈從公由錦衣衛千戶陞旗手略地效馳驅左

廣兼追葶前茅特慮無又陞先鋒交綏斬當戶匈奴名圍合走

單于馬驟黃砂碎膏塗白草枯窮兵踰遼濮部落名喋血

度余吾水名並見漢書霍去病傳匈奴傳入塞長歌凱還京促獻俘成

功由力戰制勝叩神謨爵祿初行賞山河擬剖符麗城

分甲第報宴出宮壺

此上言其從車駕親征有功陞賞

倭寇侵遼碣妖

尼

唐賽兒煽益都山東青州府縣名

徂征連得雋元惡尚逋誅

唐賽兒

兒卒不獲此上言其征二寇功荆楚重防守

公凡兩鎮湖廣

江淮更轉輸公領漕運

及鎮安登臺躬講武鳴鼓榜衙艦叔子風流遠公孫政績

殊散金周下士枉駕禮寒儒畫壁懸犀甲華裾被鹿盧

精光騰閃爍塵土暗模糊

此上言其鎮荆淮及領漕時之事

受命南

中討麾軍隴右趨瘴雲披立幟蠻鳥避彎弧鐸鞞

南詔戎器

狀如殘刃有孔刃達出麗水飾以金所擊無不難施巧洞夷人寶之月以血祭之其王出軍必雙執之

羅罝

南詔兵名戴朱鞞罝負犀革銅盾而跣走險如飛

喘未蘇

言其戰敗而走也臯人

斯授首

時思被誅

獲醜放為奴郡縣斜通海雷霆直過



瀘浪夷來鑄劍

南詔有浪劍浪人所鑄又名鬱乃鑄時以毒藥并冶取迎躍如星者凡十年乃

成以馬血淬之以金犀飾鐔首傷人即死

越睽貢調駒

越睽蠻名也其西多薦草產善馬世稱越

睽駿始生若羔歲中紐莎縻中飲以米潘七年可御帝日馳數百里事並見唐書此上言其征麓川時事也

念勤勞父才宜翊贊須禁垣留宿衛督府筦機樞

此上言其

任右盈滿常思懼撝謙每自圖封章陳老病舟楫渺江

湖鄂主園林舊

公舊鎮鄂鄂有第宅故歸老于鄂歿遂葬焉

蘋溪水石俱有

蘋花花枝迎舞袖香月照吹竽

此土言致仕事

莫景優游樂浮

生奄忽殂廟堂咸悼惜部曲盡驚呼賜葬恩偏厚星移

冢易蕪岡形侷伏虎

公墓在伏虎山

宰樹集啼鳥慘淡悲風起

淒涼落日晡瓜牙嗟已矣邊鄙屬多虞

公以正統十一年卒十四年胡

虜犯邊天子蒙塵入寇京師焉往事於今異雄心死後孤有知應指髮

如在盍捐軀狂客憂時淚衣巾為爾濡

懊儂曲

行路莫行遠看花莫看遲花遲少顏色路遠長別離

前溪曲

朝飲前溪水莫泛前溪舟溪頭有明月照見古今愁

題扇

高浪蹴天浮停橈且灣泊寄語後來人前途風更惡

題萱二首

堂背諼花好慈親日舉觴南風吹緩帶北葉一般長



試問萱花道慈親壽若何一叢千萬葉計數未爲多

清暑處

激水四簷鳴常如風雨聲不須秋節至紈扇已無情

即景

綠樹原頭淺草青山谷口飛花記得南湖良夜月明曾  
載琵琶

題扇

鶯脰湖邊舊隱吳松江上行舟借問春波何似春波日  
夜長流

舟中偶成四首

清澤莊頭釣艇奉先院裏禪床綠樹數聲啼鳥青山一  
抹斜陽

寶石山中看雨冷泉亭下聞蟬別後幾場春夢相逢又  
在祇園

抱琴循水路轉曳杖看山日斜短屐躡殘莎草小橋流  
出桃花

細草綠侵沙岸野花紅點青山短棹自隨流去莫禽相  
與詩還

次進士馬中錫吳淑遊京師西山韻八首

同年期集鳳城西盡日吟遊信馬蹄河水合流滄海接



山徑回繞白雲齊  
離離遠樹行人杳  
渺渺平沙去鳥低  
共幸成名今刻石  
不須重向塔前題

繡幃朱輪駕曉風  
青山行盡見離宮  
水通河漢浮天碧  
雲護蓬萊映日紅  
千里關城臨絕塞  
萬家園圃灌連筒  
登高作賦忘歸去  
薄暮纔云馬首東

訪水尋山幾日程  
清明時節喜新晴  
太行天限華夷域  
靈物人呼大小青  
花雨霑香迷蝶夢  
松風鳴籟和泉聲  
九重垂拱巡遊少  
已廢前朝避暑亭

西山遙望日氤氳  
矯矯東馳萬馬群  
固國已知天設險  
爲霖還賴石生雲  
根蟠鉅野河流繞  
勢接諸陵王氣殷

聞道羽遊多樂事  
春風吹酒不成醺

渺渺西湖映綠袍  
相携臨水試連鰲  
已教穎上居風下  
未許杭州索價高  
波接玉河通御氣  
雲流銀浦見秋毫  
夫容萬頃皆蒙澤  
不信東風在杏叅

瓊林宴罷出瑤京  
勝水佳山處處行  
鄉使南歸金帖寄  
日華東上慶雲橫  
人間富貴春三月  
天上中和樂九成  
自笑無媒林下客  
白頭猶未濟文明

北望居庸萬仞關  
重重深鎖白雲間  
金湯塞險都城壯  
亭障乘邊苑馬閑  
田畷勸農春麥野  
虞人校獵曉置山  
朝行祇擬觀形勝  
不爲韶華久未還



天風吹送上雲梯羅轂生塵草被隄黃榜題名雙闕下  
青山迎馬九門西花明禁苑春初媚柳拂宮袍綠未齊  
幾度醉歸更漏末銀河斜轉玉繩低

分得太湖送鄔用明還鄆

一水遙遙與海通舟行疑似入虛空三江共接朝宗勢  
萬古長懷底定功茂苑人烟帆影外洞遮山色浪花中  
登瀛有客頻來往欲駕雲濤趁便風

贈金本清舍人

少將詞賦繼班揚館閣周爰歲月長朝罷獨書天上詔  
使歸那有橐中裝齊棺古隸先秦出岐鼓遺文後世光

乞得鑑湖三十里四明原是賀公鄉

寄震澤道士沈長春

春風歸騎柳邊停一上仙臺思杳冥茗水遠從天目下  
弁山長繞太湖青片雲孤鶴吹笙度千樹啼鶯把酒聽  
最愛籠鵝能好客無人援筆寫黃庭

和秦太守廷韶遊虎丘韻

虎丘寺裏相逢處柳鞦韆華嬌路不分澤畔紉蘭爲雜珮  
壁間剗蘚讀遺文清吟羨得江山助老嬾思將筆硯焚  
晚漱餘酣泉上立萬家烟火隔松雲

吳元玉招賞牡丹以無都扶圖呼爲韻



洛陽花事又應無，勝賞今逢在舊都。  
春色祇緣人自惜，衰顏還藉酒相扶。  
時無求叔誰重譜，座有徐熙合寫圖。  
夜靜更持紅燭看，滿庭如畫鳥驚呼。

聚遠樓

新起高樓九溪上，無邊風景在虛楹。  
太湖一水際天綠，洞窻兩山終日青。  
帆帶夕陽來冉冉，鴈拖秋影入冥冥。  
何人卷幔吹簫坐，明月滿空涼露零。

遊勝果寺

天地茫茫幾廢興，中峯依舊有巖亭。  
江流到海逢潮轉，山勢如城遶寺青。  
仙洞隔花春寂寂，野雲將雨樹冥冥。

幽禽似惜韶光莫，頻喚提壺笑客醒。

于府尹景瞻張太守靖之寶峯宴集

瀕湖樓閣少風塵，勝日登臨屬縉紳。  
北道且依山作主，南飛又見鴈來賓。  
霜微嶺樹紅猶淺，水落江籬綠未勻。  
老我已忘歌舞樂，只將談笑款杯巡。

松陵夜泊

城陰分手即天涯，嶺樹江雲別路賒。  
未到故園猶是客，忽聞鄉語似還家。  
燈前今夜愁無寐，鏡裏明朝鬢有華。  
欲問歸舟何處宿，月明和鴈在蘆花。

送嵇揮使還長安



落花時節子規啼中散還鄉馬首西漢苑別來爲日久  
秦川行到覺天低雲程遠見三春鴈關法今無半夜雞  
不獨銷魂霸橋上闔閭城外亦淒淒

舍弟鐸病起得子偕正夫往賀

病卧經旬爲爾憂今朝最喜是全瘳子雖生晚終延後  
菊縱開遲尚係秋杯酒諒隨詩共廢田禾無柰雨來收  
故交賴有宗人在時肯相過盡日留

送人遊維揚

憐君失意向天涯雨歇紅亭日已斜對酒不須嗟往事  
渡江知是客誰家孤城猶繫揚州郡四海空傳后主花

莫過雷塘弔陳迹只今殘柳尚啼鴉

登吳興慈感寺閣

亭亭高閣倚斜暉廿載曾從此地歸往事已隨春草換  
重來似覺故人稀孤城近水青山映遠樹和雲去鳥微  
欲繫扁舟嗟未得蘼蕪新綠釣漁磯

曹顥若載過訪以詩贈別

一樽相對思依依老大空悲始願違華髮鏡中看漸短  
故人天際信來稀黃梅雨少河流淺綠樹陰多日景微  
欲把漁竿江海上却愁風浪濕荷衣

還家有作



杖策相從使者行，欲除民瘼匪求名。言微難解旁人惑，才弱空期泮水平。公論有時還自定，浮雲于世本無營。西風吹動歸歎興，笑對滄浪咏濯纓。

和張子靜

疋馬蕭蕭一劍持，出門長嘯向京師。平生不受公孫識，忼愷思酬國士知。海內一家天地位，江東千里帝王基。文章欲借山川助，游說羞將口舌移。沈老着鞭殊覺早，荀君張弩未爲遲。義興取道聊從便，溧水浮槎信亦宜。綠樹鶯花堪對酒，青雲軒冕本無期。新亭流涕成何事，獨立春風細味詩。

宿靈隱禪房次劉邦彥十二韻

覽勝行行到上方，翠微深處扣禪房。朋來薄莫還投宿，僧悟無生已坐忘。燈火照人歸別院，石臺敷席對匡床。天風灑雨露，衣濕松影和雲滿。地涼接竹引泉通，絕澗開門放月轉。回廊呼童斲筍烹春茗，擁被論詩識夜香。鹿女踏花依淨土，鶴群驚露唳層岡。歡娛此去應須有，會合如斯不可常。蓮社逍遙將繼遠，蘭奢稱讚獨輸王。聞更最恨今宵短，話舊空悲往日長。晚節莫因些少失，浮生休着許多忙。劉郎肯踐南山約，再絆芒鞋入杳茫。

登紫虛閣



江樹離離江水平紫虛高閣倚春晴仙人醉坐碧窓下  
吹徹洞簫如鳳鳴

寄吳一齋姻家二首

時孫子會同去謁

少相親愛子相婚家室咸宜更有孫要與外翁成宅相  
莫教空羨魏陽元

頭玉峽峽眉目清認呼應自解人聲馬遷聞有新編史  
異日當成子幼名

題陳希夷睡圖

世事紛紛類奕棋蓮花峯下睡多時春風引入華胥國  
忘却浮生在亂離

寄吳鳴翰湖上二首

紅塵不到三山遠家住蓬壺鏡裏天隔浦落花雙屐雨  
過門流水一溪烟

多時不到南湖上花落鶯啼又一年有約畫船同載酒  
短篷春雨看鷗眠

題扇

雨過青山翠欲流夕陽明處斷虹收扁舟自爲尋詩去  
不在求魚下釣鉤

寄友二首

與君傾蓋二毛初別後無由數寄書江上逢人問消息



紅妝隨馬射游魚

柴門流水釣磯閑  
夢繞天涯鬢已班  
酒債詩逋還未了  
又隨人去看青山

醉題西朶壁

西風蕭蕭吹客衣  
黃溪道上行人歸  
一聲長笛起天外  
白雲滿山霜葉飛

十二月古中靜以扇索詩

一夜西風冰塞川  
敝裘羸馬夕陽天  
旁人却笑猶持扇  
爲惜江春入舊年

題和靖觀梅

孤山山下斷橋邊  
萬樹含香雪後天  
我亦騎驢來吊古  
夕陽荒塚寺門前

題許子厚扇

好山多在石湖西  
草色新年綠未齊  
亭子半開脩竹裏  
一簾春雨鷓鴣啼

可閑爲秀州友人賦

鉤簾把酒對青山  
老境無求始是閑  
請看春波門外水  
年光流去幾時還

題啓南松陵別意

芙蓉秋水照雙旌  
冠蓋紛紛出送行  
見盡不堪傷往事



冷風和雨過江城

偶成

一年春事已闌珊天意應於好景慳落盡桃花終日雨  
逢人空自說遊山

斷橋分手

近水人家半掩扉兩山樓閣尚斜暉斷橋無數垂楊柳  
總被遊人折漸稀

題澄上人畫竹

渭川千畝影蕭蕭苦旱年來葉半凋見畫忽然生遠思  
行人應過灞陵橋時長子承錫往陝西

諷陸廷美

大田塵起桔槔鳴望雨不來無限情借問金陵貴公子  
此聲何似搗秦箏

塞下曲

城下黃河城外山羌兒騎馬唱歌還磧西亦有閑花草  
莫信春光不度關

吳廷暉水榭

溪聲到枕驚春夢露氣入簾生夜寒自起開門看明月  
和花移過曲欄干

海鹽張方洲太守遠慰予室燬臨行贈此二首



舉目凄然百感侵  
敗垣殘礎燒痕深  
流鶯似惜人顛顛  
未及花時送好音

宿草回青柳放芽  
東風隨物付繁華  
舊時燕子今何處  
已自啣泥過別家

和答吳廷暉三首

竹徑陰陰厚綠苔  
華門長日未曾開  
春風是處皆花柳  
那得閒心去看來

一春多雨更多風  
猶有殘花茂草中  
縱使君來不堪賞  
冷香和露泣微紅

鶯花長笑主人貧  
盡日何曾酒入唇  
玳忽來句飲興

野亭還有一分春

葵花

黃裳采采露盈盈  
清浥華房沉瀼生  
漢武若先知此味  
不教雲表立金莖

鹿葱

鹿葱華蘊世同稱  
肯謂忘憂別有真  
大抵人情重傳信  
辟邪元不是麒麟

寄杭州友人

西湖湖上水初生  
重疊青山接郡城  
記得扁舟載春酒  
滿身花影聽啼鶯



秋日郊行

浪檝風帆不繫舟日斜橫笛起中流山青雲白江籬綠  
羣鴈忽鳴聲帶秋

和汝行敏舍人二首

故人今在承明廬不愧昔年行秘書親隨相臣侍玉陛  
肯效學士焚銀魚

珮玉鳴璫居直廬黃麻紫詔不停書春來中使傳宣入  
內苑看花更釣魚

寄吳禹疇一首

賜宴曲江歸路遙杏花如錦玉驄驕傷人莫訝不成醉

明日謝恩須早朝

送顧儀賓赴石城王府花燭二首

銀河星度月流輝來傷天孫織女機不道九霄風露冷  
夜深催換紫綃衣

香車齊向內家迎一朶宮花下殿行自是和鳴應鍾呂  
鳳儀元不為簫聲

大石聯句四十一韻張淵吳寬李柱史鑑陳瑄

巖巖者大石性奇觀人所誦遐想十餘年寬來由五人

共舍舟始登陸淵杖策不持鞚是時日當夕鑑茲山氣

逾滄入門信突兀柱拾級駭空洞落星何破碎寬靈鷲



相伯仲仰觀神欲飛淵俯瞰心屢恐鱗皴苔蘚剥骨立

冰雪凍鑑神驅道撫訶性鬼劈紋錯縱尊嚴凜君臨寬

張拱儼賓送環列盡兒孫淵擁護等僕從欲假愚公移

鑑諒匪雍伯種卧鼓愷桴亡性對曰怯杵重猊吻呀未

收寬龍鬣怒難控凝血疑痛鞭淵立肺詎冤訟上漏還

啓窓鑑中通自成術大惟補天功小可砥肌用分矢肅

慎來性浮磬泗濱貢淵廉利並攢劍軌軌倒倚甕嶧山

辱羸秦寬良岳遺汴宋節彼民具瞻壯哉客難奉鑑落

照紅抹赭淵歸雲白流永僧講點頭應性將射沒羽中

塵緣契三生寬陣圖懷七縱在縣大師擊淵攻王詩人

諷仙煮充腹饑鑑俗搯免腰痛瑤岷產維陽寬琅玕出

乃雍高題少室名性恠作東坡供半空見玉螭千仞附

青鳳淵栖禪逾百年問僧僅三衆馮虛圍曲闌寬架壑

出飛棟鑑竹幽補堂坳樹古嵌厓縫竇黑炊烟燠性坎

平鍾乳壅盤盤棧道危寬灑灑水泉動淵登頓足力疲

眺望眼界空松露髮欲濡潭月手可弄寬窮扳任生鞞

性醉吟微帶鬣列坐對鸞跼淵大呼應鏗礧嗜癖牛李

愚鑑詩戰鄒魯閔寬拜竒得顛名憂遂成噩夢寬試與

扣山靈儻售捐薄俸性

合并聯句顯若自南京歸誦李職方汝武選聯句遂與子靜其通共成一篇效顰也



長夏清無暑淵幽居靜不忙對書昏欲睡鑑汲井渴思

嘗林晚聞鳴鵲淵羽來自遠方水村圍綠樹泰雲竇引

滄浪鶴闖中門立孚荷分別浦香飛梁虹下飲鑑浮島

鴈低翔路裊闌干石淵池循宛轉廊古墻綠薜荔泰深

洞入簷簷雨曳三時濕孚風寒五月涼望晴謹晝啓鑑

冒冷感秋傷地淖冬青謝淵遊陰夜合張燕閑雛出壘

泰蜂鬧蜜分房聲折寒暄叙淵盤旋劍珮蹓語音微帶

漢鑑習氣半離鄉問訊公卿舊泰歸尋草澤藏鴻留泥

上跡孚營避日中光洗拂東華土淵留連北海觴割鮮

羞列豆泰舞象綴齊行江笛吹楊柳鑑簷花落豫章聊

為犀首飲淵莫數次公狂杯面栖鸚鵡泰鑪腰錯鳳凰

畫圖神品異淵彝鼎識文詳笑馬壺更勝鑑登豐禪屢

揚工升當瑟坐淵僕倦觸屏僵酒量江河窄鑑歌聲聲

莞將輕刀霏雪鱸泰疏布竊瑤漿筋引銀絲滑鑑盤堆

火齊煌腫曉濡芥醬淵餅飲夾鵝肪詩句聯珠琲鑑談

鋒出劍鏑冥按深擢腎淵苦索官探賜調古木殊窘鑑

吟窮思忽昌癡心角韓孟淵高視下盧王自顧山林槁

鑑難齊省署芳行藏同畫虎淵游讀等亡羊徑美終南

捷鑑群遺冀北良正論高閣束淵安用鑿坏仁大厦誰

當任鑑明時老不妨乾坤隨所寓淵江海渺相忘底事



憂千歲鑑浮生夢一場鑑盡簪時有數淵秉燭夜何長况  
復搏沙散鑑無云好樂荒明朝又南北淵落落曉星望

小鴻村聯句

家住小鴻村牲雙溪綠映門地偏城府遠寬俗儉土風  
敦野燒回春色鑑漁磯露水痕浮槎下秋澗牲壞壁上  
朝暎古雲茗相滙寬群山弁獨尊雞埭連草屋鑑牛迹  
遶瓜園淺斷寒收蟹牲疏籬曉放豚鄉人分社飯寬隣  
婦借綠盆把卷桑陰下鑑持盃松樹根閑常開曲徑牲  
時或過高軒抱膝仍常嘯寬披襟快一論有書君莫上

鑑世已厭多言牲

賞克振弟牡丹

玉樓春

名華焯約東風裏占斷韶華都在此芳心一片可人憐  
春色三分愁雨洗 玉人盡日慊慊地猛被笙歌驚破  
睡起臨妝鏡似嬌羞近日傷春輸與爾

登保叔寺湖光閣

憶秦娥

湖邊寺樓臺舊是春遊地春遊地千花張錦兩山橫翠  
西風闌檻秋無際青山不改朱顏異朱顏異斷橋殘  
柳伴人顚顚

賞牡丹

孤鸞



天然佳麗有傾國姿容絕倫嬌媚萬紫千紅盡在下風  
迴避君家去年勝賞翠帷低粉勻朱膩蝶使蜂媒似織  
總爲餘香至喜今年重見舊風味想尚怯春寒開也  
還閉無限穠華最是露珠凝綴只疑太真浴罷把霓裳  
羽衣新試軟玉香肌紅透倚東風酣睡

壽楊經衛七十一

杏花天

杏花開徧東風裏愛春色年年相似仙翁試把朱顏比  
不是等閑桃李借問胡麻和石髓怎能比子孫甘旨  
古來七十人能幾過了從頭數起

西村集卷之四

西村集卷之五

傳

桂彥良

桂彥良者慈溪人也洪武中以文學爲司經正字事懿  
文皇太子于東宮高皇帝甚重之嘗呼爲老桂而不  
名貴妃薨上詔皇太子服齊衰杖期太子曰在禮惟  
士爲庶母服緦大夫以上爲庶母則無服又公子爲其  
母練冠麻衣緌緣旣葬除之蓋諸侯絕期以下無服諸  
侯之庶子雖爲其母亦厭於嫡母不得伸其私故權爲  
此制也然則諸侯之世子不爲庶母服也明矣今陛



下貴爲天子臣雖不肖地居嫡長幸得備位儲副而爲庶母服葢非所以敬宗廟明正體重繼世也上必欲太子服之太子終不奉詔上大怒顧取劍太子走上逐之群臣震聳皆不知所爲彥良當上前跪抱上泣曰陛下之於太子愛之深故責之重也上爲之止彥良乃追太子及之諫曰貴妃逮事至尊殿下當緣君父之情爲之制服不可執小禮以虧大孝也因持衰衣之太子不得已乃服以拜謝上怒解擲劍于地曰老桂爾今日竟能和朕父子者矣上嘗咏科斗詩曰池上看科斗分明古篆文詔彥良足成之彥良頓首曰只因藏水底秦火不能焚上悅彥良後遷晉府右傳致仕卒

姚善

姚善湖廣安陸州人也字克一建文初知蘇州府蘇州承元季侈汰之後豪右田宅輿服多踰檢高皇帝制法整齊之誅夷狼籍譁者用是持其長短巧詐蜂起號爲難治善明達治體周知人情嚴而不刻容而不弛執而不泥簡而不遺煩而不苛又數請謁郡中名士錢芹王賓韓奕等訪問吏治得失民生休戚俗化淳漓以因革之由是吏民皆顧尚廉耻好善趨義不復爲非小大



樂業化爲善俗郡中大治號爲天下第一芹初聞善命謂使者曰明公郡將也芹誠以得見爲幸然畏禮而不敢往也明公苟弘下士之風請伺月朔詣學宮時爲停須臾芹將走見也使者返命善許之至期先一日芹沐浴更衣適學宮夕焉坐以待旦須善至見之善嘗使吏餉芹祿米而吏誤送俞貞木家貞木往見善曰竊聞錢芹絕糧久矣明公此舉當以歸之貞木自揆不得濫受此賜敢辭善知吏誤遽曰鄉誠欲餽錢先生將因君爲紹介聊以藉手耳君毋庸辭錢先生別有餽也賓家在陋巷無妻子奴僕獨與母居善每候見賓輒舍輿屏徒

從步趨至門以指扣門者二賓問曰何人則對曰姚善及賓往報謁輒于府門外投刺再拜而退善及知自追延賓賓辭曰非公事實不敢入也奕隱于鑿聞善將來見之乃避于上方山善追至上方奕又泛小舟入太湖矣善歎曰韓先生所謂名可得而聞身不可得而見也後數因賓往請乃得見 文皇帝稱兵南伐索太常卿黃子澄等甚急南朝乃匿子澄善所北兵日深善起兵拒之詔以善兼督蘇州松江嘉興常州鎮江五郡軍馬未及戰爲麾下許千戶等所縛并縛子澄獻于 文帝皆囚之夷九族後有沈魯者以詩吊之曰倉卒勤王五



郡兵南風無力北風鳴清忠自托巴湖月穢史何曾說  
杲卿聞者悲焉同時有王觀者池州人也洪武初以許  
觀中進試第一後改王觀 建文中知安慶府加侍中  
帥勤王兵屯江上 文帝渡江知事已去觀乃衣紅袍  
自沉于江死之 文帝即位詔族其家以觀妻配象奴  
行至大中橋觀妻止橋上探懷中鈔授象奴給云買餅  
餌飼所抱幼女伺象奴去急抱女溺橋下水中又有周  
是修者泰和人也爲衡府紀善與纂修翰林 文帝入  
南京日是修入應天府學文廟中自縊死是日有中書  
舍人聶同文因走迎新天子天熱走急死途中同文臨

川人子大年以詩名

呂震

呂尚書震在禮部時 文皇帝數自將伐北虜吏部蹇  
尚書義戶部夏尚書原吉皆切諫 上上不聽一日上  
問原吉曰今糧儲足給幾年原吉意上又將出師因跪  
對曰才穀半年耳上疑其誕乃令中官及御史按之則  
十年尚有餘也 上大怒以原吉等朋黨欺妄居嘗憤  
詈時兵部方尚書賓提調靈濟宮日有中使至宮賜香  
數語賓以上怒故賓惶懼自縊死朝房中有司以聞上  
立命剖其屍且械繫原吉錦衣衛獄以震兼領戶兵部



事時變起倉卒諸大臣相繼罪死上怒不已中外洶洶咸不自保上慮震自危親諭之曰茲事卿本無與朕坦懷相期毋得自疑但當為朕盡忠輔政耳又令校尉十人隨震起居以防之密勅曰震萬一自盡爾十人者皆代之死震乃頗自安震聰明絕人每朝奏請他尚書皆執副本又與左右更進迭奏震既兼三部奏牘愈多皆自專請對侍郎不與也情狀委曲千緒萬端一覽之後輒背誦如流未嘗有悞又嘗扈從上北狩上駐蹕虜地見碑立沙磧中其文具在率從臣讀之後一年上與諸文學語及碑因詔禮部差官往錄之震奏曰臣當時與不信密使人至虜中拓其本回校之無一字脫悞其疆記如此

### 尹昌隆

尹昌隆者江西人也洪武中舉進士魁天下授監察御史建文初人主視朝頗晏昌隆諫曰昔太祖高皇帝鷄鳴而起昧爽而朝未嘗日出而臨百官百官于是乎戒懼故能庶績咸熙天下乂安也陛下嗣守大業固宜追繩祖武兢兢業業憂勤萬機未明求衣日旰忘食常如有不及焉蓋天下之大四海之廣兆民之衆不



可不勤以撫之也今乃即于宴安日刻甚晏猶未臨朝羣臣宿衛疲于候伺曠職廢業上下解弛流爲陵遲臣恐播之天下傳之四夷非爲社稷之福也制以昌隆所言切中朕過禮部可徧行天下使朕有過人得而知之及太宗文皇帝舉兵南向昌隆上書言今事勢日去而北來章奏有周公輔成王之語不若罷兵息戰許其入朝彼既欲伸大義于天下不應便相違戾設有蹉跌便須舉位讓之猶不失作藩王也若沉吟不斷禍至無日進退失據雖欲求爲丹徒布衣不可得矣不報 文皇帝入南京命捕齊秦黃子澄方孝孺昌隆等爲姦黨

同驅出戮之昌隆當 陛大呼曰臣當時會上章勸以位讓 陛下奏牘尚在可覆按也上乃命緩昌隆刑閱其奏 上流涕曰火燒頭若早從此言則南北生靈受禍未至若是之酷朕亦無此勞苦也 詔特貸昌隆死且諭之曰朕長子在北京爾往事之爾能盡誠輔導朕不忘爾昌隆頓首謝永樂二年冊立 皇太子授昌隆左春坊中允前後在東宮隨事匡諫多所補益 太子甚重之後陞禮部主事尚書呂震方承寵用事羣臣無比當其獨處精思以手指刮眉尾則必有密謀深計官屬相戒無敢白事者而昌隆適有事往白震怒不應昌



隆未喻移時又白之震愈怒拂衣起曰事當行自行何問爲昌隆踉蹌而退謀於所知者或謂之曰今旣請不得公舊事東宮 皇太子素知公何不啓取 令旨行之昌隆從其計果得令依所請震大怒遂奏昌隆傲慢狠愎事多專行臣以職守相臨動爲所拒無屬官禮且身爲王官事無大小並須上奏而乃假托官僚怙賴恩私陰欲樹結故不之父而之子其潛蓄無君之心可以槩見矣又言昌隆身事庶人名在黨籍僥倖苟免見利忘義其心叵測其行匪良不宜任用 上乃命逮昌隆下獄尋遇赦復官丁父憂歸後起復至京往謁震震溫

言接之入理前奏

詔繫昌隆錦衣衛獄且籍其家

上方巡狩西京凡下

詔獄者率輿載以從謂之隨駕

重囚昌隆與焉後數年谷王謀反事發辭連昌隆以曾經保奏爲長史乃坐以共謀 詔公卿雜問昌隆初不服力辯不已震折之昌隆知不可免乃無言獄具上囚死夷其族是年震病面疽痛不可忍宛轉床褥間常號呼曰尹相尹相其妻子問之云見昌隆守欲殺之竟死

平思忠

平思忠者吳江人也少爲縣吏役滿歷京考選授禮部主客主事丁時 明興四十年矣中國強盛蠻夷歸慕



文皇帝方事招懷諸國朝貢者蹄踵交於道路烏蠻驛  
至不能容勞贈宴犒館餼無虛日率主客主之思忠有  
精力勤敏過人遇事皆應機立辦尚書呂震比嘗器之陞  
爲郎中嘗以事下獄適北虜入貢新任主客者區畫多  
不稱旨上怒震因言思忠等以微累禁繫罪不至去  
官且習外國事乞宥之以收其後效旨可即日赦復  
任初有楊弘者陝西西安府朝邑縣人爲刑科都給事  
中敢直言上特擢爲陝西左布政使吏部以弘陝西  
人例不該除上曰非爾所知也後不爲例弘亦以本  
貫辭不許蓋是時有楊太監者數人在陝西故上以

弘往制之也他日上諭執政曰楊弘初去時頗肯言  
事近日又默然矣可選清疆有膽氣者一人往參政以  
察之吏部以思忠應詔上素識其名命之往而思忠  
有養子曰平安者私以綾羅度潼關爲抱關者所發解  
陝西布政司思忠時出行部弘命收而勿籍候思忠歸  
私以物還之思忠感愧不已竟不敢有言嘗有某府一  
推官錄事至司思忠知其素貪乃發怒杖之後其人解  
京因招嘗分事內某贓賂思忠刑部併逮思忠就考適  
有例凡貪贓官吏妄訴不已者笞殺于市思忠乃誣服  
謫戍邊會太監劉馬兒奉詔市馬西域以思忠在主客



識賈胡請以自從詔釋其戍給冠帶辦事隨馬兒  
西抵吐蕃烏思藏朶甘隴荅等處赤斤蒙古罕東安定  
阿端曲先哈密等衛及火州亦力把力撒馬兒罕哈烈  
于闐諸國而還復免官家居以漁佃自給又數十年卒  
初蘇州府知府况鍾亦以吏員起家繼思忠爲主事及  
思忠參政又以嗣其郎中寮案交承情分甚密鍾來知  
蘇州思忠往見之鍾迎候甚恭呼其妻子出拜謂曰此  
吾舊長官也飲思忠酒時正暑熱命二子扇之思忠辭  
鍾曰某忝知貴郡非無僕隸可給使令但欲使小兒輩  
知公爲吾故人耳其敬之如此然思忠居貧自守未始  
以事干鍾人以此多之初思忠未貴時知縣蔣奎嘗延  
一相者問休咎徧視在座者其言皆不大了了思忠時  
給事堂下相者數日奎因呼上使相相者曰此人他日  
當貴至三品然不終奎大笑相者去奎謂座客曰術士  
之妄如此一小吏安能頓至三品乎後奎坐事自殺同  
僚無一顯者思忠竟如其言



西



